

Decret dal President de Region dai 2 di Mai dal 2014, n. 079/Pres.

**Regolament in materie di certificazion de cognossince de lenghe furlane, in atuazion dal articul 7, come 3, de leç regionâl dai 18 di Dicembar dal 2007, n. 29(Normis pe tutele,valorizazion e promozion de lenghe furlane).**

Art. 1	Finalitâts
Art. 2	Certificazion
Art. 3	Competencis linguistichis
Art. 4	Criteris di valutazion
Art. 5	Sisteme di certificazion linguistiche Art.
6	Provis pe certificazion
Art. 7	Comissions di esam e valutazion
Art. 8	Preparazion aes provis di esam
Art. 9	Norme transitorie
Art. 10	Publicazion e jentrade in vore
Zonte A	(Strutturazion des provis pe atribuzion dai certificâts di competence de lenghe furlane daûr dai varis nivei)

Art. 1  
*(Finalitâts)*

1. Chest regolament, in atuazion dal articul 7, come 3, de leç regionâl dai 18 di Dicembar dal 2007, n. 29 (Normis pe tutele, valorizazion e promozion de lenghe furlane), di achì indenant clamade leç, al regole lis modalitâts, i criteris e lis carateristichis par otignî la certificazion de cognossince de lenghe furlane.

Art. 2  
*(Certificazion)*

2. Il sisteme di certificazion al valute e al certifiche il nivel di competence intal ûs de lenghe furlane di chei che a partecipin aes provis di certificazion che si fevele tal articul 6.

Art. 3  
*(Competencis linguistichis)*

1. Il sisteme di certificazion si disvilupe in nivei progressîfs di competence de lenghe furlane daûr des indicazioni dal Cuadri Comun European di Riferiment pes lenghis (CCER), adotât cun Risoluzion dal Consei di Europe dal Novembar dal 2001.
2. I certificâts di competence de lenghe furlane a corispuindin a chescj nivei:
  - a) nivel A: al corispuint al nivel A2 dal CCER;
  - b) nivel B: al corispuint al nivel B1 dal CCER;

- c) nivel C1: al corispuint al nivel C1 dal CCER;
  - d) nivel C2:al corispuint al nivel C2dal CCER.
3. Tes provis e tai certificâts si manten la articolazion dade dal Cuadri Comun European di Riferiment pes lenghis (CCER) in:
- a) comprension orâl/capî;
  - b) espression orâl/fevelâ;
  - c) comprension scrite/lei;
  - d) espression scrite/scrivi.
4. Lis provis pe assegnazion dai certificâts di competence de lenghe furlane, che si fevele tal come 2, a son strukturadis daûr de tabelle che si cjate tal document A in zonte.

Art. 4  
*(Criteris di valutazion)*

1. Pe valutazion de comprension orâl, de comprension scrite e de espression scrite si valute la competence dome te lenghe furlane di riferiment e te grafie uficiâl che si fevele tal articol 13 de leç regionâl dai 22 di Març dal 1996, n. 15 (Normis pe tutele e la promoziun de lenghe e de culture furlanis e istituzion dal servizi pes lenghis regionâls e minoritariis).
2. Pe valutazion de espression orâl si valute la espression in cualsisedi varietât de lenghe furlane, articolade cun coerence e coretece.

Art. 5  
*(Sisteme di certificazion linguistiche)*

1. La Agenzie Regionâl pe Lenghe Furlane (ARLeF), di cumò indenant ARLeF, te suaze de istituzion dal sisteme di certificazion linguistiche che si fevele tal articol 28, come 2, letare d), de leç, e regole, cu lis modalitâts che si fevele tal articol 4, come 4, letare f) dal Statût fat bon cun decret dal President de Region dai 19 di Avrîl dal 2005, n. 102 (Leç regionâl dai 26 di Fevrâr dal 2001, n. 4, articol 6, comis 66 e 67 – Leç regionâl dai 21 di Lui dal 2004, n. 20, articol 4 – Consei di aministrazion de ARLeF – Agenzie Regionâl pe Lenghe Furlane. Costituzion.), di cumò indenant Statût, lis modalitâts e i requisîts pe iscrizion te liste dai sogjets publics e privâts abilitâts ae emission de certificazion linguistiche che si fevele tal articol 7, come 5, de leç.
2. Daûr dal articol 7, come 5, de leç la ARLeF e propon ae Region la liste dai sogjets che si fevele tal come 1 e tai siei inzornaments.

Art. 6  
*(Provis pe certificazion)*

1. Lis provis pe certificazion a son bandidis dai ents certificadôrs daûr di un calendari concuardât cu la ARLeF.
2. Par ogni nivel e je bandide almancul une prove ad an, se pussibil in plui localitâts dal teritori di aplicazion des normis di tutele de lenghe furlane.
3. Il materiâl des provis al è conservât intun archivi specific pal almancul 10 agns.

#### Art. 7

##### *(Comissions di exam e valutazion)*

1. Ogni comission di exam e je fate di trê personis che a àn il nivel C2 di certificazion linguistiche de lenghe furlane. Dai trê components de comission di exam, un al fâs di president e un di chei altris doi al fâs di segretari verbalizant.
2. I candidâts a pain une cuote di partecipazion par ogni prove di exam.
3. La ARLeF e determine ogni an la cuote minime e chê massime di partecipazion ae prove di exam dal come 2.
4. Lavalutazion e ven dade in forme di giudizi di idoneitât o ben di no idoneitât.

#### Art. 8

##### *(Preparazion aes provis di exam)*

1. La ARLeF e publiche, ancje in forme telematiche, esemplis di provis di nivei diferents di exams, par che i candidâts a puedin cjalâju e regolâ la lôr preparazion.
2. Cun di plui, la ARLeF e publiche, ancje in forme telematiche, o ben e sosten la publicazion di tescj e di struments didatics pal aprendiment de lenghe furlane e, in mût specific, pal superament des provis di certificazion.
3. I sogjets iscris te liste dal articul 5 a comunichin ai candidâts, ancje in forme telematiche, lis informazions par reperî i materiâi dai comis 1 e 2 publicâts de ARLeF.

#### Art. 9

##### *(Norme transitorie)*

1. Fin ae istituzion dal sisteme di certificazion dal articul 28, come 2, letare d), de leç, lis ativitâts di certificazion a vegnin davueltis dome de ARLeF, che lis regole daûr des modalitâts dal articul 4, come 4, letare f) dal Statût.

2. Dentri di sîs mêis de jentrade in vore di chest regolament, la ARLeF e selezione, midiant di un cors-concors fat di pueste, almancul 10 personis che a chestis ur ven dât, insom dal percors formatîf, il nivel C2 pe prime costituzion des comissions di exam dal articul 7.

Art. 10

*(Publicazion e jentrade in vore)*

1. Chest Regolament al jentre in vore la dì dopo de sô publicazion sul Boletin Uficiâl de Regjon autonome Friûl-Vignesie Julie.

**Strutturazion des provis pe atribuzion dai certificâts di competence de lenghe furlane  
daûr dai varis nivei**

**Laprove pal nivel A e je strutturade daûr de tabelle achì sot:**

<b>setôr</b>	<b>impuartance te valutazion</b>	<b>timp a disposizion pe prove</b>
comprension lenghe orâl	30%	20 min.
espression lenghe orâl	20%	15 min.
comprension lenghe scrite	30%	40 min.
espression lenghe scrite	20%	20 min.

**Laprove pal nivel B e je structurade daûr de tabelle achì sot:**

<b>setôr</b>	<b>impuartance te valutazion</b>	<b>timp a disposizion pe prove</b>
comprension lenghe orâl	25%	20 min.
espression lenghe orâl	25%	20 min.
comprension lenghe scrite	25%	40 min.
espression lenghe scrite	25%	70 min.

**Laprove pal nivel C1 e je structurade daûr de tabelle achì sot:**

<b>setôr</b>	<b>impuartance te valutazion</b>	<b>timp a disposizion pe prove</b>
comprension lenghe orâl	10%	30 min.
espression lenghe orâl	40%	
comprension lenghe scrite	10%	40 min.
espression lenghe scrite	40%	90 min.

**Laprove pal nivel C2 e je structurade daûr de tabelle achì sot:**

<b>setôr</b>	<b>impuartance te valutazion</b>	<b>timp a disposizion pe prove</b>
comprension lenghe orâl	20%	30 min.
espression lenghe orâl	40%	
comprension lenghe scrite	10%	30 min.
espression lenghe scrite	30%	90 min.